

箋牘

為佈告事現奉

廣東教育廳第一〇二九號令開查

總理奉安期內規定自五月二十六日起至六月一日止全國一律

下半旗並臂纏黑沙停止宴會娛樂七日以誌哀悼此令等因奉此

合行佈告仰校內人等一體遵照辦理此佈

中華民國十八年五月廿二日

校長 鍾榮光
副校長 李應林

致陳受頤先生函

逕啓者現奉

廣東教育廳第一零一六號訓令開前奉

國民政府第一八二號訓令內開案據本府文官處簽呈稱准中央

執行委員會秘書處函開頃據中央宣傳部呈稱查全國各學校教

員編製之文學及社會科學講義影響學生思想行為至為重大現

在反動份子如共產黨國家主義派每每廁身教育界中陽藉編撰

講義之名實行反動宣傳之計稍涉疏忽隱患滋深應請鈞會函由

國民政府轉行教育部關於各校教員編撰之文學及社會科學

講義務須切實審查再行應用以昭慎重而免疏虞是否有當理合備文呈請鑒核施行等情經陳奉常務委員批准照辦等因在案相應據情錄批請查照轉陳辦理為荷等由理合簽呈鑒核等情據此自應照辦除函復外合行仰該部查照辦理並轉飭遵照等因當以審查學校教科圖書業經本部製定教科圖書審查規程明令公布並切實執行在案至學校教員自編之文學及社會科學講義多係隨編隨講鮮有預印成書若須一一呈部審定再行應用往返既費時日事實上亦感困難且在高級中學以上學校教員教授時並有口講不用講義者是講義之審查縱極謹嚴而教員之口述頗難顧及為此本部對於學校教員自編之講義與教員講解時有無反動之宣傳擬通令各教育機關並分別轉飭各學校校長暨督學等負責審查隨時呈報以憑考核等情呈復去後茲准 國民政府文官處第三八四五號公函內開准中央執行委員會秘書處函為准函抄送教育部呈復奉令審查各學校教員自編之講義擬通令各教育機關行政機關及學校校長等負責考查呈一件經奉批交宣傳部核復茲據呈復教部所擬考查辦法尚屬妥善擬請函 國府轉飭教部照所擬辦法通令切實辦理復經奉批照辦請查照等由准此經即轉陳奉主席諭交教育部查照辦理等因相應抄同原件函達查照辦理等因並抄送原函一件到部准此除分令外合亟令仰該廳遵照辦理並轉飭所屬各學校校長暨督學等一體遵照等